

ԳԻՏԱԿԱՆ ՆՍՏԱՇՐՋԱՆ՝ ՆՎԻՐՎԱԾ Լ. Ա. ԴՈՒՐՆՈՎՈՅԻ ՀԻՇԱՏԱԿԻՆ

Հայկական միջնադարյան կերպարվեստի հուշարձանների գիտական ուսումնասիրության և պահպանման գործում խոշոր ավանդ ունի Լիդիա Ալեքսանդրովնա Դուրնովոն, որի մահվան տասնամյակին էր նվիրված ՀՍՍՀ ԳԱ արվեստի ինստիտուտի և Մաշտոցի անվան Մատենադարանի գիտական նստաշրջանը, որ կայացավ 1973 թ. հունիսի 5-ից 6-ը Մատենադարանի նիստերի դահլիճում:

ՀՍՍՀ ԳԱ ակադեմիկոս Լ. խաչիկյանը իր ներածական խոսքում Լ. Ա. Դուրնովոյին բնութագրեց որպես միջնադարյան հայկական արվեստին նվիրված, մեծ էրուդիցիայի տեր անխոնջ գիտնականի: Նա Հայաստան եկավ, երբ Սովետական Միության գիտական կենտրոններում արդեն ճանաչված հեղինակություն էր, միջնադարյան որմնանկարչության և պատկերազարդության հմուտ մասնագետ: Հայաստանում Լ. Ա. Դուրնովոն սկսեց ամենաարժեքավոր մանրանկարների և որմնանկարների պատճենահանման աշխատանքներից: Հայաստանի սլետական պատկերասրահում ստեղծեց հայկական հին արվեստի բաժին, ուր մշտական ցուցադրման մեջ դրվեցին այդ բարձրարվեստ ու ճշգրիտ պատճենները: Փաստորեն Դուրնովոյի գլխավորությամբ Հաղբատ, Արուճ, Լժբատ, Տաթև մեկնած գիտական արշավախմբերի աշխատանքի շնորհիվ էր, որ դրանց որմնանկարների մի մասը գիտական լայն շրջանառության մեջ մտավ: Շատ բան արեց Դուրնովոն նաև հայ միջնադարյան արվեստի մարդում որակյալ մասնագետներ պատրաստելու ուղղությամբ:

Ականավոր արվեստագետի կյանքին ու գործունեությանը նվիրված զեկուցումով հանդես եկավ արվեստի վաստակավոր դործիչ Ռ. Դրամվյանը: Այժմ արդեն միանգամայն պարզ է, ասում է նա, որ եթե միջնադարյան Հայաստանի մեր արվեստագիտությունը հայտնի նվաճումների է հասել, ապա այդ բանում, ի թիվս այնպիսի գիտնականների, ինչպիսիք են Ն. Մառը, Հ. Օրբելին, Գ. Հովսեփյանը, Թ. Թորամանյանը, Ս. Տեր-Ներսեսյանը, իր որոշակի ավանդն ունի նաև Լ. Ա. Դուրնովոն: Նրա աշխատությունները մի նոր աստիճանի բարձրացրին մեր արվեստագիտությունը:

Պետերբուրգյան ուսումնառության և սկզբնական աշխատանքային տարիներից հետո 1936 թ. Լ. Ա. Դուրնովոն տեղափոխվում է Հայաստան և իր բովանդակալից կյանքի վերջին 30 տարին նվիրում հայ արվեստին: Իրա արդյունքը հանդիսացան նրա մի շարք գրքերը, ալբոմները, հոդվածները, ամբողջ մի շարք որմնանկարների ու մանրանկարների հիասքանչ ընդօրինակություններ՝ «Հին Հայաստանի գեղանկարչության համառոտ պատմություն» գիրքը, «Հայկական մանրանկարչություն» մեծագիր ալբոմը (որն ունեցավ մի քանի հրատարակություններ, այդ թվում՝ Ֆրանսերեն, ռուսերեն), «Հայկական արվեստի ժողովածուում» որմնանկարչության մասին ընդարձակ գլուխը, «Հայկական դաճածո գործվածքեղեն» ալբոմը և այլն: Եվ երբ, այժմ, եղրափակում է զեկուցողը, Լ. Ա. Դուրնովոյի մահվանից տասը տարի անց մենք վերստին ընթերցում ենք նրա աշխատությունները, ներանք զարմացում են իրենց արդիականությանը և բնորոշումների դիպուկությամբ:

Լ. Ա. Դուրնովոյի աշխատանքներում հատուկ տեղ են գրավել գեղանկարչական լեզվի արտահայտչականության հարցերը, ինչպիսիք են նկարի հորինվածքը, տարածական կառուցվածքն ու ժամանակի ըմբռնումը, գույնն ու ռիթմիկան: Նա կարողանում էր ի հայտ բերել դրանց օրինաչափությունների առանձնահատուկ կողմերը, նշել ընդհանրականն ու ազգայինը, որոնց բացահայտումը խիստ անհրաժեշտ է միջնադարյան արվեստի ուսումնասիրման համար: Այս խնդիրներին էր նվիրված արվեստագետ Ն. Քոթանջյանի՝ «Հայ միջնադարյան արվեստի ուսումնասիրության մի քանի հարցերը և Լ. Ա. Դուրնովոյի գիտական ժառանգությունը» թեմայով զեկուցումը:

Նստաշրջանի մասնակիցների առջև զեկուցումներով հանդես եկան նաև Լենինգրադից հրավիրված գիտնականներ, արվեստագիտության դոկտոր Տ. Իզմայլովան և ճարտարապետության դոկտոր Ա. Յակոբսոնը: Նրանցից առաջինի զեկուցումը նվիրված էր Կարինի 1181 թ. ձևագրին, իսկ երկրորդինը՝ ջնարակած խեցեղենի հարցին:

Բանասիրական գիտությունների թեկնածու

Պ. Մուրադյանի զեկուցման թեման էր՝ «Մաս-տարայի տաճարի թվագրության հարցի շուր-ջը»։ Տաթևի որմնանկարներին էր նվիրված արվեստագիտության թեկնածու Լ. Ազարյանի զեկուցումը, իսկ արվեստագիտության թեկ-նածու Ի. Դրամփյանի զեկուցման նյութն էին կազմում XVII—XVIII դարերի հայկական մի խումբ արծաթյա կազմերը։ Ծարտարապետու-թյան դոկտոր Ս. Մնացականյանը զեկուցեց Աղթամարի եկեղեցու որմնաքանդակների պատկերազրական համակարգի մասին, իսկ բանասիրական գիտությունների դոկտոր Ա. Մնացականյանի զեկուցումը վերնագրված էր՝

«Հայոց դիցաբանական եղջերուն հայ ման-րանկարչության մեջ»։

Ունկնդիրները հետաքրքրությամբ լսեցին նաև Է. Կորիսմազյանի («Մատենադարանի XIV դարի մի խումբ ձեռագրերը»), Հ. Հա-կոբյանի («Կիրակոս մանրանկարիչ») և Վ. Ղազարյանի («Սարգիս Պիծակի 1336 թ. ձե-ռագրի լուսանցազարդերը») զեկուցումները։

Լ. Ա. Դուրնովոյին նվիրված գիտական նստաշրջանի աշխատանքները ամփոփեց ար-վեստի ինստիտուտի դիրեկտոր Ռ. Զարյանը։

Հ. ՀԱԿՈԲՅԱՆ